

Le dotur Eduard Agreiter é demez dai 11 cina ai 19 de messé y vëgn sostitú dala doturia Grete Mahlknecht 349 06 67 034

### PLOANIES SAN MARTIN Y LUNGIARÜ

Incö domënia, ai 7 de messé, dales 17.00, tl salf dles manifestaziuns a Al Plan, incuntada cun padre Stefano Trevisan, miscionar combonian.

Cera comunité,

dai 12 de messé cina ala fin dl mëis sarái demez, por podëi tó pert a n iade o pelegrinaje jö tl'Africa. Bele dan da plü co dui agn á nosta Diozeja tut sö 12 seminarisc nüs, 10 de chisc dala Tanzania, che é gnüs a studié tl Seminar da Porsenú por gní proi y che é tles fins dl'edema gnüs ospitá te deplü ploanies, olache ai á ince daidé fora. Te nostes ploanies dla bassa Val Badia él rové adalerch le seminarist Ditrick Titus Makali.

I proi che á ospitè n seminarist á sëgn la poscibilitè da fá chësc iade tla Tanzania, olache i gnarun acompagná dal Vësko, dal Vicar General y dal Regens dl Seminar. Al sará por nos na ocasiun por imparé da conëscë sües families, sües diozejes, sü vësch, so daciasa.

Y al é ince n sëgn por alzé fora che la Dlijia ne se stlúj nia ite te nosta ploania, nosta valada o nosta diozeja, mo che ara destënn i fis fora por döt le monn. Al é na Dlijia universal. I sun duc invíá da stlúje ite chësc pelegrinaje te nostes oraziuns, por che le liam dla fede pois se renforzé sura döt le monn.

Insciö se stlúj ince jö la esperiënza de Ditrick te nostes ploanies. Da d'altonn inant jarál a daidé fora tl Decanat da Mals, tratan che nos podarun tó sö te nostes ploanies dui seminarisc dal'India.

*Osc Ploan, siur Klaus*

### SAN MARTIN

En domënia, ai 14 de messé, tignunse dan mëssa dales 9.30 la prozesciun de San Germano y i orun ince dër perié do bun tëmp.

### LUNGIARÜ

Ciamó na plü gran forza co la smöia dl Rù da Seres ëise albü os Stödafüch, che cun osc intervënt ëise evité le plü gran mal por nos duc. N bel gran dilan ai Stödafüch da Lungiarü y San Martin, a sü comandanc, al ombolt, ala proteziun zivila, ales dites y associazziuns, a duc i compagns, vijins y voluntars che s'á dé na man pro ci che é sozedü. Osc aiüt é sté na scincunda de Dî y de chësc ves sarán por tres reconescënc. Dilan ch'i nes sëis stá dlungia. De cör dilan. - Fam. Maieron

-----

Invit al De dla Unité Ladina en sabeda, 13 de messé, dales 15.00, tl Museum Ladin Ciastel de Tor:

Introduziun: Milva Mussner; presentaziun dles publicaziuns:

Ladinia Dolomitica: Cie davegní pa? y Lijendes ladines Dolomites;

Ulrike Kindl: les primes lijendes ladines; condutur Simon Kostner;

picia marëna; cornisc musicala GOTA.



[unitepastorala.org](http://unitepastorala.org)

## Plata dles Ploanies San Martin y Lungiarü

ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)

redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**07.07. - 14.07.24 n. 32**

*termo por comunicaziuns: jöbia, dales 20.00*

### 14ª DOMËNIA IA POR L'ANN B

#### Vangele do san Merch 1,1-6

Gejü êrové tla cité de süa patria; sü discepui l'accompagnâ.

Le dé de sàbat insignâl tla sinagoga. Y le gröm de jënt, che l'ascutâ, se fajô demorvëia y dijô: Da olâ àl pa döt chësc? Cî sapiënza é pa chësta, che ti é gnüda dada? Y cî mirachi é pa chisc, che sozed tres ël? Ne n'é nia chësc le zumpradü, le fi de Maria y le fre de Iaco, de Ioses, de Iüda y de Scimun?

Ne vir nia sües sorus chilò danter nos?

Y ai se scandalisâ por ël. Dailò ti à Gejü dit:

Ignó ne n'á n profet tan pücia stima co te süa patria, pro sü parënc y te süa familia.

Y al ne sciafiâ da fá dailò degun miraco; mâ a n valgügn püri ti àl metü sö les mans y i à varì. Y al se fajô demorvëia de süa incredulité. Y al s'un é jü fora por i païsc vijins y insignâ dailò.

Atira se fajô la jënt bëgn dër demorvëia da aldí süa sapiënza.

Mo spo l'ài pa defata metü en relaziun cun süa familia:

Chësc é pö un de nos! Ci ól pa tan nes cunté dant.

L'amiraziun se stramüda te refodanza.

Al sá ri da odëi sc'an ne vëgn nia azetá y capis da süa jënt, y a Gejü ti parënta l'incredulité ch'al incunta.

L'averjiun che la jënt ti desmostra ti fej me y ti tol la forza da fá mirachi.

Por sües parores n'á la jënt apëna plü interes.

Gejü tol les consequënzes y vá ti paisc dlungia a porté la buna noela.

Ince Gejü é un de chi che â imparé dales esperiënzes che ti capitâ.

*Da savëi chësc nes fej bun ince a nos.*

*Christine Rod.*



EDEMA - B	SAN MARTIN	LUNGIARÜ	Relicua de San Germano
<b>07.07.24</b> <b>14<sup>a</sup> DOMËNIA</b> <b>ia por l'ann B</b>	<b>9.30 Corona por vocaziuns</b> <b>10.00 Gran Mëssa por la comunité</b> <i>cun siur Stefano Trevisan</i> fam. Heinrich y Rita Verginer de rengr. + Paul Graffonara, dl ann + Heinrich Clara  <i>L'oferta de chësta domënia ti vëgn dada a siur Stefano Trevisan por les misciuns dl Sudan.</i>	<b>7.50 Corona</b> ( <i>don Marco</i> ) <b>8.15 Gran Mëssa por la comunité</b> + Pire Mischi, Pecëi + Maria Dapoz Clara (dla Uniun) + Tî Clara, aniv. + Sepl Rives, aniv. <b>14.00 Bato de Tone Sorà</b> de Reinhold y Anita <b>y de Lian Verginer</b> de Max y Francesca	<p><i>L'ann passé á le Consëi de cöra da Sam Martin tut la dezijiun da tó fora dl scrin la relicua de San Germano, tignida dal Corp Sant te n caresc, y da la mëte te n büst che toless ite manco lerch ince por podëi dauri l'üsc de dlijia dala pert dl ambo canch'al öga.</i></p> <p>Do la tradiziun nes recorda la relicua ch'i venerun le martire San Germano, nasciü a Trier l'ann 612 y mort ai 21 de forá l'ann 666 o 675. Do le calënder liturgich vëgn süa festa tignida ai 21 de forá. Tî tèmps dl setimo secul do Gejú Crist, ê l'Europa ciamó püch coltivada y i regnané pestâ sot i dërc di paurs y maltratâ la püra jënt.</p> <p>San Germano che s'un â bele da jonn desdit de so avëi por se dediché al sorvisc de Dî, ê diventé abat de n convënt danter la Germania y la Francia. Da so convënt infora gnôl desbosché, runcé y fat ciamps y pra, por che le convënt y la püra jënt incëria ess da mangé y da se trá le vire.</p> <p>Mo le düca Caticus, che ê n chestian cröde y che n'â degun respet por i atri, n'odô nia de bun edl, sciöche i conventuai cun l'abat Germano laurâ le ciampopré y se dê da fá por le bëgn di püri. N de, che San Germano ê jü dal düca a le perié ch'al sconass i paurs, êl gnü assalì sôn tru da jí a ciasa y copé dai soldas dl düca.</p> <p>Defata gnô San Germano veneré sciöche martire y interzessur di paurs y dla püra jënt. Na süa relicua (n os de n brac) é gnüda condüta da Roma a San Martin da Jan Batista Tasser da San Ciascian l'ann 1778.</p> <p>Cun so ejëmpl ó San Germano ince incö nes invié y motivé da nes mëte al sorvisc de Dî y dla jënt. Insciö periunse che San Germano nes dëides da se dediché al bëgn, che vignun sides bun da ti jí do a süa vocaziun y ch'al se realisëies le rëgn de Dî.</p> <p>Mo i podun ince le perié do bun tëm, do sorëdl y plöia, ch'al crësces i früc dla tera ch'i adorun da vire.</p>
08.07.24 <i>Chilian y compagns</i> <b>Lönesc</b>			
09.07.24 <b>Dedolönesc</b> <i>Agostin Z.R, Veronica Giuliani</i>	<b>8.00 Mëssa</b> de rengraziamënt al Angel Custode + Clara Vanzi Zingerle	<b>19.30 Corona tla capela de S. Ojöp Fr.</b>	
10.07.24 <b>Dedemesaledema</b> <i>Erich, Olaf, Engelbert</i>		<b>7.30 Mëssa</b> de rengraz. fam. Tini y Dorina Clara + + de Iachin	
11.07.24 <i>Benedët da Nursia</i> <b>Jöbia</b>			
12.07.24 <b>Vëndres</b> <i>Hermagora y Fortunat</i>	<b>18.30 Adoraziun chîta</b> <b>19.00 Adoraziun deboriada</b>		
13.07.24 <b>Sabeda</b> <i>Joel, Sara, Arno</i>	<b>18.30 Mëssa prefestia</b> + Alfred Videsott, dl ann + Ida Deiaco + Moritz Castlunger, dl ann + Ottilia Castlunger, dl ann		
<b>14.07.24</b> <b>14<sup>a</sup> DOMËNIA</b> <b>ia por l'ann B</b>	<b>9.30 Prozesciun de San Germano</b> <b>10.00 Gran Mëssa por la comunité</b> + + siur Merch Graffonara y siur Angel Morlang + Erna Frenner, dl ann	<b>7.50 Corona</b> ( <i>don Marco</i> ) <b>8.15 Gran Mëssa por la comunité</b> de rengraz. fam. Gustav Mischi dl ann + siur Fonjo Clara dl ann + Emma Clara, Col dl ann + Severino Zingerle + + Iaco Mischi y Regina Daporta	